

2015 fl rcj 21 ry 27

भारत ता कम्युनिस्ट पार्टी (माओवादी)

ता 11 वी वर्षगांठ तुक क्रांतिकारी

जय-जयकार!

पार्टी तुन मजबूत कीसोर क्रांतिकारी

जन कमेटींग किन मजबूत कीसोरे

फैला कियकाल!

**भारत ता कम्युनिस्ट पार्टी (माओवादी) ता  
11 वी वर्षगांठ तुक क्रांतिकारी जय-जयकार!  
पार्टी तुन मजबूत कीसोर क्रांतिकारी जन  
कमेटींग किन मजबूत कीसोरे फैला कियकाल!**

**सितंबर 21 तल 27 एवनल वारम मेंड पार्टी वर्षगांठ ता वेड़कांग  
क्रांतिकारी खुशी ते देश मेंड मानेमायना!**

2004 सितंबर 21 ते भारत देश ता क्रांतिकारी इतिहास लोपा पूना अध्याय शुरू आता। मावा पूना पार्टी भारत ता कम्युनिस्ट पार्टी (माओवादी) बनेमासि 2015 सितंबर 21 तुक 11 साल निंदा मंता। हत्ता साल देश मेंड ते मावा पार्टी ता जन्म दशब्दी वेड़कांग बेस क्रांतिकारी महौल ते ताक्तांग। दुनिया मेंड ते वेलांगे क्रांतिकारी संस्थांग नगडल मुन्ने बस्केने लेवा रीतिने क्रांतिकारी भाईचारा तुन हेवसी कीतांग। मावा देशता क्रांतिकारी बुद्धिजीवीर, लेखक लोर, कलाकारलोर, पत्रकारीर, स्कूल करियतोर, पर्यावरण प्रेमिलोरू, ओसो अलग-अलग तबकांग ता क्रांति तुन जीवा कीवालोर दुश्मन ना दमन ता नडमा पार्टी ता दसवी वर्षगांठ ता वेड़कांग लोपा खुशी ते, जिम्मेदार ते शामिलतोर। ओर सोबेतोरकु मावा पार्टी ता केंद्रीय कमेटी क्रांतिकारी अभिवादन वेहसोरे मंता।

पार्टी ता संस्थापक लेतालोर कॉमरेड चारूमजुमदार, कन्नई चटर्जी लोरकु, नवजनवादी क्रांति लोपा तम्मा जीवांग हीत्ता हजारों वीर योद्धालोरकुन केंद्रीय कमेटी क्रांतिकारी जोहार वेहसोरे मंता। इद साल मेंटा लोपा एक सौ तुक ज्यादाये मावा जीवा ता कॉमरेड्स दुश्मन ताकि कीत्ता फाशविक हमलांग लोपा शहीदात्तोर। (वीरा लोपा नाटेना क्रांतिकारी जनता वेने मंतोर)। मुन्नेता सीनियर कॉमरेड्स वरोर-वरोर भौतिक रूप ते माकुन हायना (मायसोरे) मावा पार्टी तुक, क्रांतिकारी आंदोलन तुक वेल्ला कमी लेक्काने मंता। ओरा वेल्ला अनुभाव कुनल माकु बेच्चोनो मद्दत दोरकीन्दु। अद्रम तोरा लोपा इसाल जुलाई 25 तुक शहीदात्ता कॉमरेड चलसानि प्रसाद वरोर। ओरू मुन्ने ता कम्युनिस्ट

पार्टी मत्तगडल माओवादी पार्टी बनेमासि 10 वी वर्षगांठ मानेमायनल मार्क्सवाद-लेनिनवाद-माओवाद झण्डा तुन तेहसि मंजि क्रांतिकारी राजनीति साटि तना पिस्वल तुन समर्पित कित्तोर। ओरु ओसो ओना लेक्कातोर इंजे मावा नडमा भौतिक रूप ते लेवेकाई ओरा आशयकु, आदर्शकु दिनाले माकिन मदत हियनूंग। केन्द्रीय कमेटी इद मौका ते मावा नडमा भौतिक रूपते हिल्लवोरकु विनम्रता ते ओइस तल्ला कीसि क्रांतिकारी जोहार वेहसोर मंता। ओरा आशय किन सफल कीयला आखरी एवनल लडेमायकोम इंजोरे किरिया कीसोर मंता।

लुटेरे शासक वर्ग तोर मावा पूरा पार्टी तुन, क्रांतिकारी आंदोलन तुन मापना बुद्धि ते गिर्दा आसोरे चौतरफा हमला तुन ओसो तेज कीतोर। दुनिया ता क्रांतिकारी इतिहास लोपा इद्रम ता कार्रवाईंग, हमला, अभियानकु पूना बार आयो। इद्रम तव वेल्लांगे हारा कित्तेकेने आखिर तुक क्रांतिकारी आंदोलन सफल आंता इंदना रणनीतिक समझदारी तेने मावा पार्टी ता डावपेंच कु बना कीसोरे जनयुद्ध तुन मुन्ने ओसोरे मंता। उडला किस मिडिगूर वेल्ला बेहरा किस आंता इंदना नक्सलबाड़ी पयटा क्रांतिकारी आंदोलन ता विस्तार आसि मत्ता इतिहास ता अनुभव मावा मुन्ने मंता। निर्दिष्ट रूप ते सी.पी.आई (माओवादी) बनेमाता पया देश ता वेल्ला राज्यकु नगा मावा क्रांतिकारी आंदोलन स्पीड ते फ़ैलेमाता। क्रांतिकारी आंदोलन मुन्ने अन्नके कठिन परिस्थिति तुन सामना कियानदु साधारण विषय आंदू। अद्रम ता परिस्थिति लोपा काम कीसोरे वेण्डनदु क्रांतिकारी आंदोलन तुक तपो। इद्रम ताकनगडले जीड़ना-हारेमायना-आखरी तुकु जीड़ना इंदना क्रम तुन उंदि नियम रूपतेने वेहिंतोम। इद समझदारी तल्ले हत्ता इच्चुक सालकु नगडल मावा पार्टी सामना कीसोर मंता देश मेटा कठिन परिस्थिति तुन समझेमायना। इद परिस्थिति तल पेसना समयते मावा पार्टी तुक ओसो उच्चुक गंभीर नुक्सानकु आतेकाई, मुख्य रूपते अनुकूलतांग पोरो आधारासि प्रतिकूलतांगनल वेण्डसोरे लेनिनवादी कार्यशैली तुन लागू कीसोरे सकारात्मक सफलतांग दोरकि कीतोम। प्रतिकूलता नगडल वेण्डसोरे अनुकूलतांग बेरसि कीसोर मंतोम। वस्तुगत रूप ते देश ते, दुनिया ते बेरसोर मंता क्रांतिकारी अनुकूल परिस्थितिंग मावा पार्टी कीसोर मत्ता प्रयास तुक वेल्ला मदत आसोर मंता। इद्रम ता परिस्थितिंग लोपा मावा केन्द्रीय

कमेटी सदस्य कॉमरेड मुरलीधरण (अजित, वसंत), ओना कुरियार (वार्ताहर) 2015 मई महीना ते महाराष्ट्र ता पूणे शहर ते अरेस्ट आतोर। तीनकु इच्चुन मुन्ने केरला ता राज्य कमेटी सदस्य कॉमरेड प्रवीण तन्ना जीवन साथि शैना सहित मुवूर तमिलनाडु राज्य कमेटी सदस्यीर अरेस्ट आयनदु पार्टी तुक वेल्ला नुक्सानता विषय आंदू। ओसो मुख्य रूप ते पश्चिम मेटांग ना ट्राइजंक्शन ते पूना-पूना शुरु आता क्रांतिकारी आंदोलन तुक वेल्ला बेहरा नुक्सान आंदू।

पार्टी तुन मजबूत कीसोर क्रांतिकारी आंदोलन तुन मुन्ने ओयला साटी पार्टी बोल्शेविकरण अभियान तुन ताकि कीयना इंजोरे केन्द्र कमेटी आह्वान कीता। माओ वेहता “ हीसोरे करियसोरे” उसूल ता वेचि ते रणनीतिक नेतृत्वकारी कॉमरेड्स जनता तेके अतोर। कैंडरकुना संगे मत्तोर। दुश्मन शुरु कीता ऑपरेशन ग्रीन हण्टता तीसरी चरण लोपा वासोर मत्ता काई चुनौतिकुन स्वीकार कीसोरे नेतृत्वकारी कॉमरेड्स सबे क्षेत्र कुन लोपा तम्मा लाव-अकल तुन उपयोग कीसोरे जनयुद्ध लोपा शामिल आसि चौतरफा प्रतिरोध तुन ताकि कीतोर। सैद्धांतिक विषय तुक पहली महत्व हीसोरे कैंडर कुन “बेस ता कम्युनिस्ट, बेस ता निपुण” हिसाब ते बना कीयना पोरो योजनाबद्ध तरिका ते कोशिश कित्तोर। पार्टी तुक केन्द्र स्थान, क्रांतिकारी काम किन ताकि कीयना जागा ता ग्रामीण इलाका लोपा ताकि कीता हत्ता एक साल प्रयास कुना फल दोड़ रास्ता हिसाब ते मंतांग।

1. कैंडर कुना, नेतृत्वकारी कॉमरेड्स कुना सैद्धांतिक स्तर लोपा इच्चुन बेस ता बदलाव वाता।
2. जन मुक्ति गुरिल्ला सेना ताकि कीता कार्यनीतिक प्रति हमलांग लोपा पुलिस, अर्ध-सैनिक बल नोर लगभग 80 मानेय तुक ज्यादाये पुलिस तोर डोलतोर। लगभग 175 तुक ज्यादा जवान लोरु घायलातोर। 27 हथियार, लगभग 4500 कारतूस जप्त कीतोम। 2010 ता पया इविन माटु बेसता सफलतांग इंजि वेहा परिन्तोम।
3. जनयुद्ध संगे विकास आसोर मंता जनताना राज सत्ता तुन मजबूत कीयना हिसाब ते सबे स्तर लोपा मत्ता मेजॉरटी जनताना सरकार कुना चुनाव कु ताकता। कृषि पोरो आधारासि पिसना किसान लोरा

भूमि तुन सम्मान (मरमत) कीयना, पेट्टुम (पाडिंग) तोसना, सिंचाई व्यवस्था तुन निर्माण कीयना लोपा हजारों जनता नरगे दियांग सामूहिक रूप ते शामिल आतोर। 1,70,000 श्रम दिवसकु मानेमातोर, पार्टी कार्यकर्ता लोर, जन गुरिल्ला लोर वेने काम लोपा शामिल आतोर।

4. क्रांतिकारी जन संगठन किन मजबूत कीयना हिसाब ते अविना अधि वेशन कुन ताकि कीसि पूना कार्यकरणी तुन चुनेमातोर।
5. गुरिल्ला जोनकु, गुरिल्ला बेस कुना हजारों जनता विस्थापन ता विरोध। ते, केन्द्र सरकार ता भू-अधिग्रहण अध्यादेश तुक विरोध ते राज्य हिंसा तुक विरोध ते संघर्ष कतोर।
6. बेरसोर मता गुरिल्ला युद्ध, क्रांतिकारी जनसंघर्ष कुनल इयेंड वेला संख्या ते पूनोर भर्ति आतोर।

पोरो रास्ता क्रांतिकारी अनुकूल उपलब्धियां उंदि पक्का, दूसरा पक्का बारा पश्चिम मेट्टांगना ट्राइजंक्शन लोपा क्रांतिकारी आंदोलन तुन निल्लि कीसि देशता दक्षिण बगिल उंदि पूना सैनिक मोर्चा तुन शुरू कीतोर। अगा 2015 जनवरी एवनल तीन महीना राजनीतिक-सैनिक अभियान तुन ताकि कीसि बेस-सफलतांग दोरकी कीतोर। ट्राइजंक्शन तेके ताकि कीता प्रचार, प्रतिरोध कार्रवाईंग अगड़ा शोषित जनता तुक मुख्य रूप ते युवा पीड़ी तुक (लयस्क,लयोर) सशस्त्र क्रांति ता संदेश तुन एवसी कीता। वीर नक्सलबाड़ी क्रांतिकारी आंदोलन ताक्ता समय लोपा केरलम ते क्रांतिकारी लड़ाई तुक केन्द्र लेक्का मत्ता वयानाड ते आदिवासी जनता ना संगे " दादा" इंजोरे सम्मान तुन दोरकी कीसि शहीदाता कॉमरेड् वर्गीस ना विरासत तुन तेहचि मंजी पोंगसोरे मत्ता कबनी बेरेड (कुएर) ता मुनेटा अनुभव किन एजा कीसोरे वेण्डे लड़ाई एझंडा ते वात्ता।

हत्ता 10 सालकुनल कर्नाटका राज्य ता मलनाड जंगलकुनगा प्रति-क्रांतिकारी लोरा गद्धारी ओसो दुश्मन ना सैनिक अभियान तुन सामना कीसोर ताक्सोर मत्ता लड़ाई तुक इंजेटा ट्राइजंक्शन आंदोलन तल पूना जीवअरतप आता। मलनाड लड़ाई लोपा तम्मा मल-मल नेत्तुर तुन पोहता

कॉमरेड साकेतराजन, कॉमरेड संदे राजमौली सहित 16 जन कॉमरेड्स लोरा आशयकुना साटी समर्पित आता ट्राईजंक्शन लड़ाई कॉमरेड शिनोज ना शहदत ता हरदे भारत ता जनवादी क्रांतिकारी आंदोलन तुन मुन्ने ओयला दक्षिण भारत लोपा प्रयास कीसोर मंता। भारत ता कम्युनिस्ट पार्टी (माओवादी) नेतृत्व ते मजबूत आसोरे फ़ैलेमासोर मत्ता क्रांतिकारी आंदोलन तुन खत्म मापना लक्ष्य ते शुरु आत्ता आपरेशन ग्रीनहंट पोड़द पेसना बगिल महानदी तुन वेंडला हियनायो इंजोरे तानु विफल कीयला कोशिश कीसोर मतेकाई दुदवा (डोड्डा) गंदामरदन (मेट्टा) किन वेंडसी क्रांतिकारी आंदोलन सरंडा (झारखंड) तुक हर्षी पंडता। इंजेके ग्रीनहंट पूना-पूना देश ते केरलम ते तन्ना दमन अभियान तुन जोर कीत्ता। विदेशी पर्याटक लोरिन वेने माओवादी इंजोरे केरलम ता पुलिस तोर तिप्पल कीयनद देश, विदेशकुनगा लोपा आपरेशन ग्रीनहंट तुन ओसो उंदि बेरा कीत्ता। तम पेटड़ अरता आपरेशन ग्रीनहंट तुन ट्राईजंक्शन जनता जरूर हारा कीसि मुन्ने दायनोर।

### कॉमरेड्स

भारत देश ता लूटी शासक वर्ग तोरू मावा पार्टी, तुन मावा पार्टी नेतृत्व ते मजबूत आसोरे मुन्ने अंजोरे मत्ता क्रांतिकारी ओदालन तुन पूरा मापनीकि वेल्ला कोशिश कीसोरे मंतोर। ओरकु साम्राज्यवादिरू पूरा मदत मंतोर। हत्ता 11 सालकुना समय तुन हूडतेके माओवादी आंदोलन ता इलाकांग लोपा दर साल पुलिस, अर्ध-सैनिक बल कुन तत्तानद बरसोरे मंता। क्रांतिकारी आंदोलन ता एरियांग ना जनता ना पोरो ताक्सोर मत्ता सैनिक हमलांग ना तीव्रता वेने बेरसोरेने मंता। मावा पार्टी ता 9 वीं कांग्रेस आधार इलाकांग निर्माण कियना इंजोरे निर्णय कीत्ता दण्डकारणय ओसो बिहार-झारखण्डकु दुश्मन ना हमलांग किनु मुख्य केन्द्र लेक्का मंता। इव रेन्ड एरियांग लोपा वेला संख्या ते जनता तुन बेल (जमानत) दोरकला वेने मौका हीवा लेकटा पशविक कानून कुना हिसाब ते पुलिस तोर अरेस्ट कीसोरे मंतोर। जेल तेके वाटसोरे मंतोर। गलत आरोपकुना पोरो जेल ते मतोरकु वेलेटोरकु कठिन जेल सज्जा, जन्म कैद सज्जांग हियना बेरसता। 2014 मई महीना ते महाराष्ट्र पुलिस तोर अरेस्ट कीत्ता 90 प्रतिशत अपंग लेक्का मत्ता दिल्ली विश्व विध्यालय प्रोफेसर, क्रांतिकारी जनवादी मंच (आर.डी.एफ) नेताल कॉमरेड सायबाबा किन लगातार

कोर्टकु बेल हियना तुन विरोध कीसोर मत्तांग। ओनू 14 महिनांग महाराष्ट्र ता जेलकुने तासिस मंजी आखिर तुक इसलाम इलाज साटी 3 महीना बेल मंजूर कीतोर इतेके परिस्थिति बचुन गंभीर मंतयों समझेमांता। 2013 सितंबर ते दिल्ली ते मत्ता जवहार नेहरू विश्व विध्यालय, ता छात्र कॉमरेड होममिश्र किन गड़चिरोली सी-60 कमांडो तोरु अरेस्ट कीसि गलत केसकु वेलांगे आरोप वाटसी जेल ते वाटतोर। जेल ते वेने ओनू पक्का यातनांग हीसोरे इंजे एवनल बेल वेने मंजूर कीवा लेवा तास्तोर। इद नडमा जून ते दण्डकारण्य (छत्तीसगढ) ता पददेड़ एरिया तुक आदिवासी पिस्वल तुन अध्ययन कीयला साटी वात्ता दिल्ली शोद छात्र वाणी ग्जा ग्जा तुन आवापल्ली ते एस.पी.ओ लोर अरेस्ट कीसि वेला तिप्पल कीसि दहशत तुन पुटी कीतदू आपरेशन ग्रीनहंट ताकना रीति तुनू देश-विदेश तुकू पुनपी कीत्ता। इव एरियांग लोपा झूठी-मुठभेड़ कुने जनता किन हौकना, माओवादीर इंजोरे लेवा-लेवा कहानींग पुट्टी कीयनदू पुलिस तोरकु आदात आत्ता। 2015 जून ते बिहार ता गया जिला ता 4 सालकुना पेकाल, वरोर गुरुजी ओसो महिलांग सहित 12 जन किनु रोड़ पोरो पुलिस तोरु गाड़ी तल डिपी मंजी हौक्तोर। दण्डकारण्य ते वेने मद्देड़ एरिया लोप लंकापल्ली तेके तेलंगाना क्रांतिकारी आंदोलन लोपा काम कीसोर मत्ता हैदराबाद केन्द्रीय विश्व विध्यालय ते वकालत पढेमायवल कॉमरेड विवेके सहित ओसो इरवुर आदिवासी महिला कॉमरेड्स किन पुलिस तोर हौक्तोर। महिला ना पोरो पुलिस तोर ताकि कीसोर मत्ता क्रूर अत्यचारकु वेले वेरियना लेक्का आत्ता इंजी बीजापुर जिल्ला ता पोटेम तेके (8 अक्टोबर 2014) महिला ना पोरो कीत्ता अत्यचार कुन हूडतेके समझेमांता। क्रांतिकारीरा सरेंडर कुना विषय लोपा झारखण्ड ओसो छत्तीसगढ पुलिस तोर, केन्द्रीय अर्ध-सैनिक बलनोर वरोन वीडिसि दूसरोर होड़ पंडतप कीसोर मंतोर। भ्रष्टाचार लोपा अब्बल नम्बर ते मत्ता पुलिस तोर नाटेना जनता तुने पोयसी माओवादीर इंजोरे तिप्पल कीसोर वेला पैसांग पिडंगसोरे मंतोर। प्रमोशनकुना मैदे, पैसना मैदे पुलिस तोरु सरेंडर आतोरा पोरो मुन्नेटके सरकार घोषित कीत्ता लाखों रूपया पुलिसतोरे तिंदांमंतोर। ओसो गद्धारी बनेमातोरिनु एस.पी.ओ हिसाब ते पुलिस ते भर्ति कीसोर मंतोर। माओवादिरु सरेंडर आसोरे मतांकु लड़ाई ता काम मारता इंजोरे पुलिस अधिकारी लोरु तम्मा दोड़ मंदना पुलिस जवान लोरा

मनोबल तुन निल्लि कीयला मीडिया ते वेहतनाद रोजे हूडसोरे मंतोम। दूसरा बगिल केन्द्रीय गृहमंत्रालय तोरू तम्मा रिपोर्ट ते पार्टी कठिन परिस्थिति ते वेने देश ते मत्ता बाकी क्रांतिकारी संगठन तोरिन एकता कीयना कोशिश तुन कीसोरे लडाई लोपा उपलब्धियां (सफलतांग) हासिल कीसोरे मंता इंजी वेहतद मंता। इद आंकलन पोरोये आधरासि भारत सरकार ओसो अलग-अलग राज्य सरकारकु मावा पार्टी पोरो ओसो उंदि बेहरा हमला तुक तैयार आसोर मत्ता परिस्थिति लोपा मावा पार्टी ता 11वी वर्षगांठ तुन मानेमायना मंता। देश मेटा माओवादी आंदोलन ता इलाकांग लोपा 80 तुक ज्यादा जागांग चुनेमाता पुलिस, अर्धसैनिक बल नोरू बदे टाईमते आई मावा पोरो हमला कीयना लेक्का मिन्देर! इंजे कीसोरे मत्ता पुलिस तोरा तैयारिंग पूरा अदे दिशा ते मंतांग। कार्पोरेट सुरक्षा ओसो वेले फैलेमाता राज्यकुना, जिलांगना बॉर्डर किनु बंद कीसोरे कॉर्डन एण्ड सर्च (घेराव कीसि मेहकना) हमलांग किन तेज कीतोर। मुनेटके माओवादी लडाई इलाकांग लोपा मत्ता 108 तुक ज्यादा केन्द्रीय अर्धसैनिक बटालियनकुनोरू जंगल तुन चालना कीसोर मंतोर इतेके इंजेक बारा ओसो भारतीय रिजर्व बटालियनकुनु वेले संख्या ते पूना बेरसी कीतोर। मानव रहित विमानकु गुरिल्ला लोरा पत्ता पुंदला मोयोल पोरो रोजे नरगे वेलियसोरे मंता। दोड़ वेलियना पुलिस तोरकु पोरोटल हेलीकॉप्टरकु सबे रीतिना मदत हीसोरे हमला किन तेज कीसोरे मंतांग। नाहकुना पोरो नरका हमला कीयला सैनिक हेलीकॉप्टरकु रिहार्सल कीसोर मंतांग। इंजे माटु नाडी-नाडी अविन संगे लडेमायनदे मंता। दुश्मन माकिन अदे बगिल ओसोर मतोर। मावा पार्टी हासिल कीता सफलतांग पोरो आधरासि नुकसानकुनगडल सबक एतसोरे सही डावपेंच कुन पोयसी इंजेटा दुश्मन ना हमला किन हारा कीयला सबे रीतिने तैयार आयकल। मावा जनता किन, क्रांतिकारी जनसंगठन किन तैयार कीयकाल। जनता ना विश्वास तुन जीडता मावा पी.एल.जी.ए तुन ताना सुरक्षा ते गुरिल्ला बेसकुनगा काम कीसोर मत्ता क्रांतिकारी जन कमेटींग किनु नुकसान आयवा लेवा बचा कीसोरे वैकल्पिक राजसत्ता ता व्यवस्था तुन सुदृढ कीयकाल। आपरेशन ग्रीनहंट तुन “जनता ना पोरो युद्ध” इंजोरे वेहचि जनता ना क्रांतिकारी आंदोलन तुक मदत नितिस मता बुद्धिजीवीर, लेखक लोर, कलाकार लोर, देशभक्त लोर, पत्रकार लोर, पर्यावरण प्रेमिलोर (पर्यावरण तुन



जीवा कीसि बचा कीयना इंदानोर), जनवादी प्रेमीलोर, आदिवासीरिन जीवा कीवालोर जनता ना बगिल ओसो ज्यादा दृढता ते नितना इंजी वेने उंदि बेरा अपील (विनति) कियकड़। इंजे परिस्थितिंग पूरा माकुन अनुकूल मंतांग। मानय ना सचेतन रूप ता प्रयास इंजे गावले इंदनाद मरंगनायो। हत्ता 2 सालकुना बोल्शेविकरण अभियान ते मावा पार्टी हासिल कीता सफलतांग अद विषय तुन स्पष्ट कीसोर मंता।

### काँमरेड्स

केन्द्र ते भारतीय जनता पार्टी नेतृत्व ता राष्ट्रीय लोकतांत्रिक गठजोड़ (एन.डी.ए) सरकार बनेमासि एक साल वीडता। देशता प्रधानमंत्री नरेन्द्र मोदी देश ता सामंती, दलाल नौकरशाही पूंजीपति वर्ग तुक, साम्राज्यवादीरकु प्रधान सेवक रूप ते लज्जा लेवा सेवा कीसोर मंतोर। हिन्दू धार्मिकउनमादी लोरा हमला किन मोदीना सरकार मदत हीसोर मंता। जनता ना तिंदना, उंडना आदात किनु, रिवाज किनु, धार्मिक स्वेच्छ तुन ब्रह्मणीय हिन्दू फासीवाद शक्तिंग नियंत्रण कीसोर मंतांग। देश ता प्रधान मंत्री पद तुन पोयता पया कम समय लोपाने 23 देशकुन वेलियता मोदी तन्ना विदेशी पर्याटन लोपा 'मेक-इन-इंडिया' नारा तुके समर्पित आतोर। मुख्य रूप ते साम्राज्यवादी देशकुनगा बेहरा-बेहरा कम्पनी नोरा संगे मीटिंग कीसि शैकडों बिलियन (सौ करोड़) डॉलर कुना दर्जनों समझौतांग कीसि वातोर। अविन लागू कीयला देशते कई जागांग वेलियसोरे देश ता जनता तुन धोका कियामंतोर। मावा देश ते 65 प्रतिशत युवा शक्ति तुकु रोजगार दोरकिंता इंजी आशा तोहता मंतोर। असली हूडतेके मोदी सरकार शुरू कित्ता नीतिंग, घोषित कीत्ता योजनांग पूरा मुन्नेता संयुक्त प्रगतिशील घटबंधन (यू.पी.ए) सरकार ता समय तेने बनेमातव आंदू। इविन कीतद विश्व बैंक, अंतर्राष्ट्रीय मुद्राकोष, विश्व व्यापार संस्था लेकटा अंतर्राष्ट्रीय संस्थांगे आता साटी देश ते बद लूटी सरकार मतेकाई अव ओरा इंजेटा "नवउदारवाद अर्थनीतिंग" लागू कीयनदे। अविना हित किन मुन्ने ओयनदे। तीना लोपा प्रधान मंत्री मोदी वेले आक्रमक रूप ते, खतरनाक स्पीड ते काम कीसोर मंतोर। ओना सरकार लग-भग एक साल तल भू-अधिग्रहण कानून तत्तला कीसोर मता कोशिश तुन ओना काम तुक उंदि उदाहरण रूप ते वेहमुड़ायार! मोदी प्रधान मंत्री आता पया ओना शपत ग्रहण वेडका तुक

दक्षिण एशिया देशकुना नेतालोर किन स्वागत कीसि वेला जाडुपुतोर। मति ओरु मुनेतल वासोर मता भारत शासक वर्ग कुना विस्थाारवाद नीतिंग कुने ताकि कीसोरे मंतोर इंजोरे वेहतला इद नडुमा कोवर्ट आपरेशन ते म्यानमार देश ता भू-भाग तेके नेंगसी भारत सेनातोर वेलाये नागा गुरिल्ला लोरिन हौक्नाद वेहमुडुयार। भारत सेना तोर नागा गुरिल्ला लोरिन हवकानदु मावा पार्टी विरोध कीसोर मंता।

यू.पी.ए समय ते जनता तिप्पलाता महंगाई तल बेरोजगार एवनल बदे उंदि समस्य तुन आई मोदी सरकार हल कीतद हिले। वेला पोंगडिंग (बोल्लसोर), झूठा आश्वासन कीसोरे सत्ता तुक वात्ता मोदी दुनियाता पूंजीतुक पुटता पेकान लेक्का देश ता प्रधान मंत्री पद तुन पोयता मोदी ना पोरो चुनाव कुना मुन्ने बेरस्ता जनता ना भ्रमकु उब्बय-उब्बय अंजोरे मंतांग। दिल्ली चुनाव लोपा भारतीय जनता पार्टी (असल तीनकु इतेके मोदीये) सामना कीतद घोर विफलता उंदि उदाहरण रूप ते साबित आता। ललित मोदी ना केस ते बाहर वाता भ्रष्टचार मोदी सरकार ता बुद्धि तुन जनता तुक तोहता। शासक वर्ग पार्टींग नडुमा जगडंग वेले ताक्सोर मंतांग। अत्ता 15 सालकुने बस्केने हिल्लापु इंजेटा लोक सभा ता मुसूर कालम ता (मानसून सत्र) मीटिंग ताकिसि ओरा मुंडड किन जनता तुक तोहता। भारत देश ता राष्ट्रपति जनता तुक 69 वा स्वधिनता दिवस ता संदेश लोपा "अकाड" लेक्का बनेमाता इंजी वेहता संसदलोपा उंदि बिल वेने पारित आतद हिले। पार्लामेंट ते सत्तापक्ष ओसो विपक्ष सदस्यलोरा नडुमा ताक्ता नयकुना मुंडाड देश ता "महान जनवादी" तुन 125 करोड जनता ना कोंडा मुन्ने तोहपत आता। इंजेटा सत्ता पक्ष भाजपा, विपक्ष ते मतस्के तीनकाई परिस्थिति बेस बारा हिले इंजी दुनिया मेंडता जनता पुतदे। वास्तव तुकू देशता जनता ना जीवन-मरण समस्यांग हल किया परवा लूटी व्यवस्थांग लोपा संसदीय प्रणाली तीनकाई वीडसी ओसो बाता किया परवो इंजी जनता तुक समझेमासोर मंता। इव सबे परिस्थितिंग जनता तुन क्रांति बगिल तत्तला माकुन वेले उपयोग आता। जनता वैकल्पिक क्रांतिकारी राजनीतिंग गावाले इंजोरे मंतोर। ओरक नेतृत्व कीयना जिम्मेदारी मावये पोरो मंता। माटु इंजेटा परिस्थितिंग लोपा सही काम कीतेके मावा जिम्मेदारिग निभा कीतप आंता। अद्रम ता लाव मात्र मावा पार्टी तुके मंता इंजी आल्सोर मत्ता जनता ना

विश्वास तुन निजम कियकड़।

इंजेटा देशता परिस्थितिंग आयवा दुनियाता परिस्थितिंग वेने क्रांतिकारी आंदोलन तुक वेला अनुकूल मंतांग। 2008 ते अमेरिका ते शुरू आता वित्तीय संकट तल साम्राज्यवादी देशकु इंजे हेवनल बाहर पेस्तद हिले। अद संकट मारता यूरोपता ग्रीस देश पोरो वेला असरता। ग्रीस इंजे रूण संकटते फसेमासि मंता। 2015 शुरूते अगा ताक्ता चुनाव लोपा जनता तुक लेवा-लेवा आशवाशनकु हीसि सत्तातेके वाता वामपंथी सुधारवादी संगठनकुना गठजोड़ 'सिरीजा' नेतना हिसाब ते देशता प्रधान मंत्री जिम्मेदारी तुन पोयता अलेक्सिस सिप्रास बदमाश तिकड़म (अंतर्राष्ट्रीय मुद्रा कोश, यूरोपियन यूनियन, यूरोपियन केन्द्रीय बैंक) कुना मुन्ने सरेंडर आतोर। बदमाश तिकड़म किना बेल आऊट नियमकुना मुन्ने आत्मसमर्पण कियनायो इंजोरे अद देश ता जनता अगा ताक्ता रिफरंडम (जनता ना राय एतना) लोपा स्पष्ट बहुमत ते वेहतेकाई अगटा पार्लामेंट केंजो। इंजेके अगा बेरस्ता 26.2 प्रतिशत बेरोजगारी लोपा अगटा मजदूर वर्ग क्रांतिकारी हरीं तुन पोयवेके अगटा काटु (कट्टर) दक्षिण पंथी उन्मादी मानयकु सत्ता ते वायला हरीं हीतप आंता। इराक, अफगनिस्थानकु नगा लग-भग 10 सालकुना पोराये युद्ध तुन चला कीसि मत्तांकु अमेरिका ता आर्थिक संकट वेला वीडता। दूसरी बगिल दुनिया ता सबे जागाते चीन संगे ताना होड़ बेरस्ता। इंजे हेवनल ताना कैदे मत्ता ब्रेट्टनऊड बेबीस (अंतर्राष्ट्रीय मुद्रा कोश, विश्व बैंक) ना विरोधते ब्रिक्स (बी.बार.आई.सी.एस.) देशकु पूना-पूना उंदि बैंकतुन (न्यू डेवलपमेंट बैंक) तुन सौ बिलियन डालरकु पोयसि षांगाय तुन मुख्य कार्यलय कीसि शुरू कीतांग। उक्रेयन समस्या पोरो रूस ता रूख अमेरिका तुक जीरेमासोरे हिले। मति कोट्टो मंता। वायना दो सालकुना लोपा अमेरिकाते ताकना मत्ता अध्यक्ष चुनावकु, अरब देशकुनगा सुन्नी धार्मिक शक्तिंग ना संगे बनेमाता आई.एस.आई.एस गुरिल्ला लोरा संगे अद लडेमायना लोपा ताना कमजोरींग, साम्राज्यवादीरा नडमा बेरसोर मत्ता अंतर विरोध कुन स्पष्ट कीसोरे मंतांग। मध्य एशिया लोपा मजबूत देश ता रूप ते मंता इरान संगे अणवस्त्र हथियारकुना विषय लोपा अमेरिका राज समझौता कीता। आर्थिक, एवं मुद्रा संकट ता शिकाराता साम्राज्यवादी देशकु सब्बे गंभीर

समस्यांगना संगे झूझेमासोरे मंतांग । इद्रम ता परिस्थितिंग लोपा अगटा मजदूर वर्ग तम्मा संघर्षकु मजबूत कीसोरे माओवाद संस्थांग बनेमायना अंतर्राष्ट्रीय कम्युनिस्ट आंदोलन लोपा वेला अनुकूल विषय आंदू ।

दुनियामेंड राजनीतिक, आर्थिक संकटकु तीव्र आसोरे मंतांग । इद्रम ता परिस्थितिंग लोपा बदे देश ते आई ताक्सोरे मत्ता जन संघर्ष किन लूटी शासक वर्गतोर सहन कीसोरे हिलोर । जन संघर्ष किन हिंसात्मक रूपते दब्बा कियलाता । मति अद्रम कियनद ओरके उल्टा आसोरे मंता । देशमेंटा माओवादी क्रांतिकारी आंदोलन तुन दब्बा कियला केन्द्र ओसो राज्य सरकारकु वेला बजट तुन खर्च कीसोरे मंतांग । 2014 ते लूटी शासक वर्ग तोरा खाकी बल तोर वरोन—वरोन माओवादीन हौकला रू.80 करोड़ खर्च कीतप सैनिक विश्लेषक लोर गिनती कीतोर । केन्द्रीय गृह विभाग तन्ना बजट ते पांचवा तूस माओवादी आंदोलन तुन दब्बा कीयला खर्च कीसोरे मंता । दूसरा बगिल लड़ाई इलाकांग लोपा मोदी ना मेक—इन—इंडिया तुक वेला विरोध वासोर मंता । ताना साटी मोदी माओवादीर बंदूक विड़चिसी अट्टांग पोरो नांगल कांजना इंजी वेहतोर । मति नांगलकु पोयसी पूहतना रैतू लोरू तम्मा भूमि साटी, जंगल साटी, अस्मिता साटी ओसो गटिटंगे बंदूक पोयना परिस्थितिंग शासक वर्ग नोरे तत्ता मंतोर /हत्ता 18 सालकुन लोपा 100 तुक ज्यादा बेरा केन्द्र सरकार संगे वार्ता कीसोरे (बहस) 'सीज फायर' समझौता तुन बेरसी कीसोरे वाता पूर्वोत्तर इलाकांग ना संघर्षशील संस्था एन. एस.सी.एन (नेशनल शोशलिस्ट काऊन्सिल ऑफ नागालैंड) (इसाक—मुयवा) केन्द्र सरकार संगे शांति समझौता कीतेकाई अद एरिया ता जनता तम्मा न्यायपूर्ण समस्यांग पोरो भारत सेना तोरा संगे लड़ेमायनोर इंजोरे इद नड़मा जून महीना ते अग्गा 18 जन भारत सेना ता जवान लोरिन हौक्ता एम्बुश स्पष्ट कीता । दूसरा बगिल मनीपूर ते पूना शुरू आता मनीपूर माओवादी पार्टी तुक, मावा पार्टी तुक नड़मा भारत सरकार ता विरोध ते संयुक्त रूप ते जन संघर्ष किन ताकि कीयला समझौता आता । कश्मीर लोपा भाजपा मदत ते मुफती महमद सयीद सरकार बना कीतगडल अगा लगातार भारत सेना तोरा पोरो कश्मीर गुरिल्ला लोर हमलांग कीसोरे

मंतोर। इद्रम ता परिस्थिति लोपा माटु मावा दीर्घकालीन जनयुद्ध तुन सही डावपेज तुन पोयसी हिम्मत ते मुन्ने ओयकड। व्यापक जनता ना संगे मिलेमासि लडेमायकड। इंजे देश ता सत्ता ते मत्ता ब्रह्मणीय हिन्दू फासीवादी लोरा विरोध ते जनवादी, धर्म निरपेक्षवादी, प्रगतिशील मानय संस्थांग, धार्मिक अल्पसंख्याक लोरू, राष्ट्रीय ता आंदोलनकुनोरा संगे मिलेमासि लडेमायकड। देश ते ताक्सोर मंता जन संघर्ष कुन लोपा वामपंथी पार्टी नोरा संगे मिलेमासि अव संघर्ष किन तेज कीयकड। इद मौका ते ओरू ब्रह्मणीय हिन्दू फासीवादी विरोधी जन संघर्ष कुन लोपा शामिल आसि वायना इंजोर मावा पार्टी ता केन्द्रीय कमेटी ओसो उंदि बेरा ओर किन अपील कीसोर मंता।

अंतर्राष्ट्रीय कम्युनिस्ट आंदोलन लोपा मत्ता कई देशकुना क्रांतिकारी संस्थांग भारत देश लोपा मुन्ने अंजोर मंत्ता जनयुद्ध तुक तम्मा भाईचारा तुन हेवसी कीसोर मंतांग। अव मुनेटकाई ज्यादा मावा संगे मंतोम इंजी वेहचोर मंतांग। अव सबे क्रांतिकारी संगठन किन मावा केन्द्रीय कमेटी क्रांतिकारी अभिवादन वेहसोर मंता। माटु ओसो ज्यादा हिम्मत ते जनयुद्ध तुन मुन्ने ओयकड। मावा पार्टी ता 11 वी वर्षगांठ समय ते पूरा पार्टी, क्रांतिकारी जन कमेटींग (जनता ना सरकार) देश मेंड ता क्रांतिकारी जनता सितंबर 21 तल 27 एवनल वारममेंड क्रांतिकारी संकल्प ते, खुशी ते मानेमायना। देशमेंड ता पार्टी तुन मजबूत कीयना लक्ष्य ते इव वेडकांग मानेमायना। केन्द्रीय कमेटी हेवसी कीसोर मंता इद संदेश तुन व्यापक जनता नगा दृढसंकल्प ते दृढविश्वास ते ओयना। आखिर तुक जनताये जीड़ानोर! जनयुद्ध जीड़िंता। लूटी शासकवर्गकु नोरा हामुर तप्पो।

- ★ पार्टी इकाईग बोल्शेविक संकल्प ते 11 वी पार्टी वर्षगांठ तुन मानेमायना। दुश्मन किन पुंदा वावा रीतिना पार्टी तुन निर्माण कीयना, बचा कीयना।
- ★ आपरेशन ग्रीनहंट तुन हारा कीसोरे पार्टी तुन मजबूत कियकड़। जनता ना राजसत्ता तुन मजबूत कियकड़।
- ★ बहुमणीय हिन्दू फासीवादी नीतिना विरोध ते, पूंजीवादी साम्राज्यवादी लूटी नीतिंग ना विरोध ते व्यापक जनता ना संगे, जनवादी धर्मनिरपेक्ष, प्रगतिशील मानयकु संस्थांग, धार्मिक अल्प संख्याक, वामपंथी पार्टींग नोर संगे मिलेमासि लड़ेमायकल।
- ★ सही क्रांतिकारी नइमा एकता जिंदाबाद।
- ★ भारत विस्तारवाद ता विरोध ते अलग आयना लक्ष्य तुन पोयसी तम्मा स्वयं अधिकार साटी लड़ेमासोर मंता उत्पीड़ित राष्ट्रीयतांग नोरा लड़ाईंग ना संगे एकता आयकाल।
- ★ मार्क्सवाद-लेनिनवाद-माओवाद जिंदाबाद।
- ★ अमर शहीदीर किन जोहार। अमर शहीदीरा आशय किन मुन्ने ओयकाल।
- ★ सी.पी.आई. (माओवादी) जिंदाबाद।

क्रांतिकारी अभिवादन ते



(अभय)

प्रवक्ता

केन्द्रीय कमेटी

15 अगस्त 2015

सी.पी.आई. 1/2 माओवादी 1/2

